

## الأسفار التاريخية

## ملوك الثاني

## نتائج عدم التوبة

بنشوف في السفر ده رحمة ربنا و فرص التوبة الكثير جداً اللي يديها لشعبه, و عدله كإله لا يرضى بالفساد بتأديب قوي على شعبه بعد إصرارهم على عدم الاستجابة و مبالغتهم في الفساد ... لكن حتى مع التأديب يبقى الرجاء في رحمة ربنا واضح جداً

## ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتبه عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)



[i عن السفر](#)



الصورة من موقع BibleProject

عدد الإصحاحات: 25

ظروف الكتابة: ?

- كُنَّا شَفْنَا فِي سَفَرِ مَلُوكِ الْأَوَّلِ الفترة من سليمان إلى آخاب ملك إسرائيل و إيليا النبي (بعد ما المملكة انقسمت)
- سفر ملوك الثاني بيكمل الفترة دي (فترة الملوك والأنبياء) بداية من أخزيا بن آخاب الملك و أليشع النبي (في إسرائيل) و يهوشافاط الملك (في يهوذا) لحد سبي يهوذا على يد بابل (و قبلها سبي إسرائيل على يد آشور)

هدف السفر: ✓

- يعلمنا رحمة ربنا: اللي أعطى شعبه وقت و مُرَّص كثير جداً و كلمهم بكل الطريق عشان يتوبوا و كان يقبل أي بادرة توبة و يرحم و يؤخر العقاب

- **يعلمنا عدل ربنا:** في الآخر لَمَّا الفساد بلغ حد لا رجعة فيه ربنا عادل و سمح إن يبجي تأديب شديد على شعبه ... برضه بهدف التوبة (لأنهم لَمَّا تابوا رجعوا من السبي زي ما تنبأ إشعيا وإرميا)
- **شخصيات الملوك و سيرتهم و تعامل ربنا معهم درس لنا:** إزاي كل ملك بدأ و انتهى و إزاي ربنا شاف أعماله و تعامل معه

## مفاتيح فهم السفر:

- سفري الملوك (ملوك أول و ثاني) **في الأصل سفر واحد** بيحكى قصة إسرائيل من مُلك سليمان (حوالي 1000 ق.م.) لحد السبي (حوالي 500 ق.م.)
- **كاتب السفر هو إرميا النبي** بناءً على تسجيلات من الأنبياء اللي قبله (بداية من ناثان النبي و جاد النبي) بالروح القدس لحد ما هو حضر سبي يهوذا
- المقابل لسفر الملوك (ملوك أول و ثاني) هو **سفر أخبار الأيام الثاني** الذي يركز أكثر على قلب الملك و على رأي الله فيه
- سفري الملوك **يركزوا على الشعب و تاريخ إسرائيل** عموماً بعد سفري صموئيل اللي كانوا يركزوا على شخصيات معينة (صموئيل وشاول وداود)
- مملكة إسرائيل كل ملوكها أشارار لأنهم من أول ملك (يربعام) بعدوا عن ربنا و بدأوا يعبدوا الأوثان ... بينما يهوذا كان لسة عندهم الهيكل و **فيه ملوك من نسل داود كويسين (زي يهوشافاط و حزقيا و يوشيا)**

## ترتيب السفر

إصحاح 1 ل 8

### خدمة أليشع النبي

بعد انتهاء خدمة إيليا يصعد على مركبة نارية للسماء، و يستكمل أليشع ابنه الخدمة ب 2 من روحه

إصحاح 9 ل 17

### الطريق إلى سبي إسرائيل

مواصلة السقوط الروحي و رفض التوبة من مملكة إسرائيل تنتهي بالسبي على يد آشور

إصحاح 18 ل 25

### دمار أورشليم و سبي بابل



وجود بعض الملوك الصالحين في يهوذا يجعلها تصمد بنعمة ربنا، لكن في النهاية ينتشر فيها الفساد وتسببها مملكة بابل على 3 مرات

ملخص السفر

## # 1: خدمة أليشع النبي

إصحاح 1 ل 8



الصورة من موقع BibleProject

### • إصحاح 1: أخزيا يرفض الله

- للأسف بن آخاب اللي ملك بعده (أخزيا) قرّض فبدل ما يتوب، أرسل رسل لفلسطين يسأل آلهتهم: ربنا أرسل إيليا يقول للملك ردّ واضح: هاتموت
- للأسف الملك بدل ما يتوب، طلب من خمسين جندي بقائدهم يقبضوا على إيليا و يجيبوه، و هنا تبان هيبة رجل الله: أول مرتين قائد الجنود لم يحترم إيليا، فنزلت نار من السماء عليه هو و جنوده ... الرجل الثالث تضرّع لإيليا إنه يبجي معاه
- إيليا راح إلى أخزيا و قال له نفس الكلام ... و لم يثب أخزيا فمات فعلاً

## الإصحاح ده بيمهّد لنا إن ملوك إسرائيل من الناس اللي مهما شافت معجزات (أخزيا حضر معجزات إيليا مع آخاب) هترفض التوبة

### • إصحاح 2: صعود إيليا في مركبة نارية و بداية معجزات أليشع

- جاءت لحظة الوداع الصعبة على أليشع: كان عارف إن ده آخر يوم لمعلمه ... لكنّه صمّم يتبع إيليا من الجبال لبيت إيل لأريحا لنهر الأردن اللي شقّه إيليا بثوبه
- إيليا قال لأليشع: تطلب إيه قبل ما أوخذ عنك؟ أليشع كان متواضع و فاهم عظمة المسؤولية اللي هاتكون عليه كخليفة إيليا، فطلب 2 من روحه (يعني هو ياخذ روح إيليا، و إيليا أيضاً كأنه يفضل بروحه معه)
- و جت مركبة نارية و معاها عاصفة صعد فيها إيليا حياً إلى السماء ... إيليا ساب ردائه لأليشع و أليشع عمل بيه أول معجزة (شق نهر الأردن)
- و استمرّت معجزات أليشع: تنقية المياه في أريحا ... و معجزة لعن الساخرين باسم الرب

### معجزات أليشع النبي

#	الإصحاح	الأحداث
1	2	شق نهر الأردن برداء إيليا
2	2	تنقية (إبراء) الماء في أريحا
3	2	لعن الساخرين باسم الرب و افتراس الدبة لهم ... و كلمة (صبية) هنا مش معناها صغر السن، بل كانوا رجال بيشتموا أليشع (عشان القرع كأنه علامة زي اليرّص) و بالتالي أليشع كان لازم يدافع عن كرامة رجل الله زي ما إيليا عمل في الإصحاح اللي فات مع الجنود
4	3	إنقاذ الجيوش من العطش في الحرب ضد موآب • حرب طلع فيها يهورام ملك إسرائيل (اللي كان أفضل حالاً من آخاب لكن مشي في طريق يربعام) مع يهوشافاط ملك يهوذا (البار) مع ملك أدوم في حرب ضد ملك موآب اللي تمرد على إسرائيل • و في الطريق الصحراوي اللي مشيوا فيه عطشت الجيوش و خلصت المياه اللي معاهم، و ده معناه موت أكيد

#	الإصحاح	الأحداث
		<ul style="list-style-type: none"> <li>• استعانوا بأليشع نبي الله (لأن يهوشافاط سأل عن نبي لله) فأليشع قال إن ربنا هايعطيهم ماء و كمان هايعطيهم النصر في حربهم.</li> <li>• و حصل كده ... سقطت أمطار مفاجئة على جبال أدوم و نزلت على الصحراء, فشرّبوا و ارتووا</li> <li>• و الموآبيين لّمّا شافوا الماء في الوادي الجاف, افتكروه دم لأن لونه كان أحمر (من الاختلاط بالطمي في الوادي) فهجموا باندفاع على جيش إسرائيل اللي غالبهم</li> </ul>
5	4	<p><b>الأرملة و دهنّة الزيت</b></p> <p>أرملة لواحد من الأنبياء مات و عليه ديون و جه المرابي ياخذ ولاده لأنها مش عارفة تسدّد الديون من فقرها ... أليشع بارك في الزيت اللي عندها فملأت منه أوعية كثيرة و باعته و أنقذت أولادها و عاشت</p>
6	4	<p><b>شفاء الشونمية من العقم و إقامة ابنها</b></p> <p>معجزة إقامة أموات زي إيليا</p>
7	4	<p><b>إبراء الطعام من السموم</b></p> <p>إزالة مفعول سم اتخط في الأكل بالغلط في مائدة اتعملت للأنبياء</p>
8	4	<p><b>إشباع 100 رجل ب 20 رغيف</b></p> <p>شبه معجزة إشباع الجموع اللي عملها السيد المسيح</p>
9 10	5	<p><b>شفاء برص نعمان السرياني و إصابة جيجزي به</b></p> <ul style="list-style-type: none"> <li>• نعمان ده كان رئيس جيش أرام اللي كانوا أعداء إسرائيل, لكن كان واضح إنه شخص كويس ... لّمّا بنت مسبية من إسرائيل قالت له على أليشع و إنه يقدر يشفيه من برصه, راح إلى أليشع النبي بجيشه و موكب رسمي و هدية و ثروة عظيمة</li> <li>• أليشع مقابلوش, بل أرسل له رسول يقول له يغتسل 7 مرات في مياه نهر الأردن و ساعته يبرأ من البرص</li> <li>• طبعاً نعمان اتغاض جداً! أليشع لم يستقبله ولا صلّى ولا عمل حاجة متوقعة خالص ... لكن تحت إلحاح جنوده, عمل نعمان كده و اعتسل و شفي من مرضه, و آمن نعمان بربنا و شكر أليشع</li> <li>• و بنشوف في الآخر إن برص نعمان راح إلى جيجزي الطقاع الكذاب ... تلميذ أليشع اللي بدل ما يكمل المسيرة بعد إيليا وأليشع, كان عينه على فلوس و غنايم نعمان اللي رفضها أليشع</li> </ul>
11	6	<p><b>الحديد يطفو على الماء</b></p> <p>واحد كان شغّال ببيني, فوقعت منه البلطة في نهر الأردن و غرقت طبعاً, و هو كان</p>

#	الإصحاح	الأحداث
		مستلهاها (مش بتاعته) ... أليشع ببساطة قَطع عود خشب و رماه في النهر، فطَفَّت البِلطة! دي إشارة لعمل ربنا يسوع على خشبة الصليب (أخذ الذي لنا و أعطانا الذي له)
12	6	<p><b>كشف خط العدو</b></p> <ul style="list-style-type: none"> <li>• في الوقت في آرام (بلد نعمان السرياني) كان الملك ينهدد (اللي آتاب سابه تي عكس أمر ربنا) عايز يحارب إسرائيل ... كل ما يعمل خطة، كان أليشع بيعرفها و يقول لملك إسرائيل (يهورام) عليها فتفشل</li> <li>• لقا عرف ملك آرام كده، أرسل جيش للقبض على أليشع ... ففوجئ تلميذ إليشع بجيش يحاصر القرية اللي كانوا فيها</li> <li>• لكن أليشع كان عنده إيمان عظيم و شايف الملائكة حوالاهم ... طلى إن ربنا يضرب الجيش بالعمى و ربنا استجاب</li> <li>• بعد كده أليشع قادهم إلى وسط السامرة و هناك فتَّحوا عيونهم ... طبعاً الجنود عرفوا إنهم هالكين لا محالة لقا لقوا نفسهم قدام جيش إسرائيل وملك إسرائيل اللي كان عايز يخلص عليهم، لكن أليشع أمر بالعفو عنهم و ضيافتهم</li> </ul>
13	7	<p><b>فك حصار السامرة</b></p> <ul style="list-style-type: none"> <li>• المعجزة اللي فاتت خلت فيه سلام لكن بعد كده ملك آرام رجع و حاصر السامرة، فحصل جوع شديد جداً لدرجة إن الأمهات بدأوا ياكلوا ولادهم!!!! و بدل ما ملك إسرائيل يتوب، ثار على أليشع و حمله المسئولية و كان عايز يقتله.</li> <li>• أليشع جاء بالبشارة: بكرة هيحصل الفرج و تنتهي المجاعة ... و حصل بمعجزة (لأن السامرة كانت مُحاصرة و كان سقوطها أكيد وسط الفقر و الجوع و العزلة اللي هي فيها)</li> <li>• ربنا أسقَع جيش الأراميين صوت مركبات و صوت خيل، صوت جيش عظيم ... افتكروا إن ملك إسرائيل تحالف مع شعوب تانية ضددهم فهربوا من الخوف و سابوا كل حاجتهم</li> <li>• يعني مش بس الحصار اتفك، ده كمان كل الخير اللي كان مع آرام راح لإسرائيل</li> </ul>
14	13	<p><b>عظامه في القبر أقامت ميت</b></p> <p>بعد ما أهل الميت دفنوه بسرعة في قبر أليشع لأن الغزاة الموابيين كانوا جايين عليهم</p>

🎤 نقدر نسمع عن المرأة الشونمية

## • إصحاح 8: مجاعة في السامرة و ملوك أشرار في يهوذا

### ○ في إسرائيل:

بعد الإصحاح اللي فات، إحنا متوقّعين توبة عظيمة ... لكن ماحصلش، بل حدثت مجاعة لمدة 7 سنين

### ○ في آرام:

■ مرض بنهدد ملك آرام (في ملوك الأول 19، ربنا كان كّف إيليا يمسح ملك جديد على آرام).

■ أليشع هو اللي عمل كده، لقا بنهدد أرسل له جزائيل قال له أليشع إنه هيكون ملك على آرام (و شاف بروح النبوة قد إيه جزائيل ده هايكون ملك شرير و قاسي على إسرائيل)

■ و جزائيل للأسف كان خائن و بيخُطط للاستيلاء على الملك، فقتل بنهدد

### ○ في يهوذا:

يهوشافاط بيموت و بييجي ابنه **يهورام** اللي كان شرير زي ملوك إسرائيل لأنه اتجوّز بنت آخاب (عثليا) ... و جه بعده ابنه **أخزيا** اللي برضه كان شرير

## أليس لأنه لا يوجد في إسرائيل إله، تذهبون لتسألوا بعل زوب إله عقرون؟

ملوك الثاني 1 : 3

ممكن فعلاً نستغرب أخزيا اللي في مرضه راح يسأل كهنة أوثان عشان يشفوه بدل ما يسأل ربنا

لكن يا ريت ننتبه لتصرفاتنا في مشاكلنا ... نروح لربنا و نطلب معونته و سلامه بدل ما نمشي في طرق بعيدة عنه

## فقال أليشع: «حي هو الرب، وحية هي نفسك، إني لا أتركك»

ملوك الثاني 2 : 2

هي دي التلمذة و البنوة الروحية الجميلة الموجودة من العهد القديم ... أليشع لازق لمعلّمه و أبيه الروحي مش عايز يسيبه

و حتى أخذ من طريقة إيليا اللي كان دايماً بيقول: حي هو الرب

و أمثلة كثير كده: زي راعوث مع نعمة ... و زي ما يعقوب قال للمسيح لقا ظهر له  
و إيليا المعلم و الأب ساب أليشع يبجي معه و يوّدعه  
يا بختنا في كنيستنا بأبوة أب اعترافنا

**فأخذ ابنه البكر الذي كان ملك عوضا عنه, وأصعده محرقة على السور. فكان غيظ  
عظيم على إسرائيل. فانصرفوا عنه ورجعوا إلى أرضهم.**

ملوك الثاني 3 : 27

ده كان ملك موآب اللي قويت عليه الحرب و كان عايز يستسلم و ينجو بحياته  
و دي كانت الممارسات الوثنية ... إنهم يقدموا ولادهم تقدمات بشرية للأصنام  
في الوقت ده شعب إسرائيل كان بعيد عن ربنا لكن كان لسة فيهم شوية إنسانية فاغتاظوا  
جداً ... لكن بعد شوية هانلاقيهم اتعلموا العادة دي من الأمم و بيعملوها

**ثم صعد واضطجع فوق الصبي ووضع فمه على فمه, وعينيه على عينيه, ويديه  
على يديه, وتمدد عليه فسخن جسد الولد. ثم عاد وتمشى في البيت تارة إلى هنا  
وتارة إلى هناك, وصعد وتمدد عليه فعطس الصبي سبع مرات, ثم فتح الصبي عينيه**

ملوك الثاني 4 : 35 و 36

أليشع نام على الولد و بعدين كأنه أعطاه حياة على مثال الصليب ... زي السيد المسيح لما مات  
على الصليب أعطانا الحياة

**نتعلم إيه؟**

التلمذة مرتبطة باستعداد و طاعة التلميذ (الابن) اكثر حتى من قداسة المعلم (الأب) ...  
أليشع كان تلميذ ملازم لإيليا و شرب من روحه, بينما جيحزي بدل ما يكفل المسيرة خرج عن  
السكة بسبب طمعه

🙏 يا رب اديني أكون تلميذ مجتهد و متواضع و مطيع لأبي الروحي

## # 2: الطريق إلى سبي إسرائيل

إصحاح 9 ل 17



الصورة من موقع BibleProject

## • إصحاح 9 و 10: ياهو يقضي على نسل آخاب

- المهمة الثالثة التي ربنا كلف بيها إيليا (ملوك الأول 19) عملها أليشع لقا بعت واحد من الأنبياء و مسح قائد عسكري اسمه ياهو بن نمشي ملكاً على إسرائيل بمهمة واضحة: الانتقام لدم عبيد الرب من إيزابيل و بيت آخاب
- و عمل ياهو كده: قتل يهورام بن آخاب الملك في حقل نابوت اليزرعيلي، و قتل كمان أخزيا ملك يهوذا و حفيد آخاب (ابن ابنته عثليا التي كان راجع مع يهورام من الحرب) ... و قتل إيزابيل
- استمر ياهو في مقاومة الشر بكل قوة: قتل أولاد آخاب ال 70 الباقين في السامرة و قضى على عائلة آخاب
- و قضى كمان على كل أنبياء البعل و كل من يعبده
- لكن للأسف ياهو قاوم الشر فقط و لم يتمسك بالخير، و بالتالي لا يُحسب كملك بار لأن قلبه ماكانش مع ربنا

💡 ياهو كان عنيف جداً و شرير و ده أغضب ربنا لأن العدل مش محتاج كل العنف ده عشان يتحقق ... و بالتالي هوشع النبي الذي ظهر في الوقت ده تنبأ ضد ياهو:

"لأنني بعد قليل أعاقب بيت ياهو على دم يزرعيل" (هوشع 1 : 4)

### • إصحاح 11 و 12: يهوياذع الكاهن و يوأش الملك في يهوذا

- وصل الشر في يهوذا لدرجة إن (عثليا) أم الملك أخزيا و ابنة آخاب لقا مات ابنها, حاولت تقتل كل النسل الملكي (أولادها و أحفادها) عشان تملك هي! و **عثليا ملكت فعلاً 6 سنين نشرت فيها عبادة البعل في يهوذا**
- لكن بمساعدة **يهوياذع الكاهن الأمين**, تم إنقاذ حياة يوأش و هو طفل رضيع و رعايته في الهيكل لحد ما كمل 7 سنين ... بعد كده بمساعدة اللاويين ملكوه و قتلوا كهنة البعل و بدأوا يرجعوا لربنا
- **يوأش كان ملك كويس** و ملك 40 سنة ... تحت قيادة وإرشاد يهوياذع الكاهن
- و كان عايز يرقم الهيكل بس ماكانش فيه فلوس, فظهرت فكرة صندوق العطاء ... و الناس استجابت و تم ترميم الهيكل
- لكن للأسف حصلت فتنة عليه و اتقتل

### • إصحاح 13 و 14: الحرب بين إسرائيل و أرام

من أول هنا مملكة الشمال بتكون أشبه بعصر القضاة: الشعب بعيد عن ربنا, فربنا يسمح إن الأمم اللي حوالهم تضايقهم (هنا تحديداً أرام) فيتوبوا شوية فينقذهم ربنا ... لكن يرجعوا إلى آثامهم تاني, و ربنا يعاقبهم تاني!  
برضه من أول الفترة دي (800 ق.م.) تبدأ نبوات الأنبياء الكبار و الصغار

- بعد موت ياهو جه ابنه **يهوآحاز** اللي سار في طريق يربعام بن نباط ... جزائيل ملك أرام حاربه و دقر جيشه (زي ما أليشع تنبأ في إصحاح 8) فتضرع يهوآحاز لربنا اللي رحمه و لم يفن الشعب تماماً
- بعد كده جه **يوأش** بن يهوآحاز, وربنا صنع على يديه الخلاص من أرام (اللي كان مات ملكها جزائيل) و بدأ إسرائيل يستردّ المدن اللي أخذها منهم الأراميون
- و في الوقت ده مات أليشع بعد مرض بسيط
- بالنسبة لمملكة الجنوب, جه **أمصيا بن يوأش** اللي كان ملك كويس لكنه حارب إسرائيل بدون سبب و انهزم في الحرب وأخذ يوأش ملك إسرائيل كل الذهب والفضة من الخزنة و الهيكل ... بعد كده قتل عبيد أمصيا عليه و قتلوه

- بينما بالنسبة لمملكة الشمال، فالوضع يزداد سوءاً: **جہ يربعام بن يواش** بعد موت أبيه، لكنه كان ملك وِجش برضه ... لكن من رحمة ربنا إنه أعطاه النُصرة في حربه ضد آرام

## ● إصحاح 15 و 16: طريق إسرائيل إلى السبي

- بالنسبة لمملكة الشمال:

- الوضع يزداد سوءاً حتى على المستوى الداخلي، تبدأ الانقلابات واللاغتيالات - **زكريا بن يربعام** (الجيل الرابع من ياهو)، قتله **شلوم بن يابيش**، و قتل **شلوم منحيم بن جادي** في انقلاب عنيف.
- في الوقت ده جه ملك أشور على إسرائيل لكنهم دفعوا له فدية كبيرة جداً فمشي ... جه **فقحيا** بعد موت أبيه منحيم، و قتله **فقح بن رمليا** و مَلَك بداله
- في وقت الملك ده بدأ سبي أشور لإسرائيل على يد تغلث فلاسر ملك أشور اللي سبى الجزء الشمالي (الجليل) ... و جه بدل فقح **هوشع بن أيلة** اللي قتله

- بالنسبة لمملكة الجنوب:

- الموضوع كان أحسن بكثير في الأول: بعد أمصيا ملك **عزريا** (عزريا) ابنه فترة طويلة و كان ملك كويس و مستقيم
- و بعده **يوثام** ابنه و كان كويس برضه خصوصاً في بدايته
- و بعده **آحاز** ابنه اللي كان ملك شرير و جبان ... الملك ده بنقرا عنه أكثر في **سفر إشعيا النبي** الذي تنبأ في عصره
- في الوقت ده تحالفت مملكة إسرائيل مع آرام (سوريا) عشان يهاجموا مملكة يهوذا ... آحاز كان خايف من الهجوم ده و حاول يتحالف مع مملكة أشور عشان تخلّصه من إسرائيل و آرام (رغم إن ربنا بعت إشعيا لآحاز يطمئنه و يقول له اأكل عليّ أنا وأنت تخلّص، لكن آحاز رفض بل لجأ لمملكة أشور الدموية)
- و ملك أشور خلّصه و هاجم آرام و إسرائيل لكن مش عشان صداقة مع آحاز الغبي، بل لأن في الوقت ده مملكة أشور بدأت تخطّط للسيطرة على العالم ... و ملك أشور جاب آحاز لدمشق بعد ما دقّرها و ملاها بالجثث عشان يستعرض قدامه قوّته، و بقى آحاز عبد لأشور، و عمل مذبح لآلهة أشور في هيكل ربنا بقى بيذبح عليه، بدل مذبح ربنا

## ● إصحاح 17: سبي و نهاية إسرائيل على يد أشور

- مملكة أشور طمعت أكثر في عصر ملكها شلمناصر فصعدت على مملكة الشمال و أنضعتها مع آخر ملوكها (هوشع بن أيلة) تحت الجزية ... و لقا هوشع حاول يتمرّد على أشور، حاصرت أشور إسرائيل و دقّرتها و أخذت الناس اللي فيها لأشور

- و بنشوف إن اللي سكنوا أرض إسرائيل ناس من بابل و من الشعوب المحيطة بإسرائيل ... الناس دي طبعاً في الأول ماتعرفش ربنا, و ربنا عشان يديهم فرصة ليعرفوه ويعبدوه, أرسل عليهم السباع
- هم فهموا إن إله الأرض دي غضبان منهم فقرروا يتقوه لكن بطريقة خاطئة ... الناس دي عملت حاجة وحشة جداً: كانوا بيعبدوا ربنا مع آلهتهم القديمة (الأصنام) بنفس ممارساتهم القديمة
- و بالتالي اختلطت عندهم التوراة بالديانات الوثنية ... و من هنا بعد كده بنفهم إن اليهود بيكرهوا السامريين عشان كده

**فحنّ الرب عليهم ورحمهم والتفت إليهم لأجل عهده مع إبراهيم وإسحاق ويعقوب, ولم يشأ أن يستأصلهم, ولم يطرحهم عن وجهه حتى الآن.**

ملوك الثاني 13 : 23

- ده كان في أواخر أيام أليشع النبي ... ربنا ساعتها كان صبر على شر من أيام يربعام بن نباط لذروة الشر (آخاب) لحد حتى ياهو و أولاده
- ربنا عمال يرسل أنبياء و تحذيرات و يدي تجارب و يعمل معجزات و كل حاجة عشان الشعب و الملوك يتوبوا
- و الجميل إن هنا الكتاب يذكر العهد مع إبراهيم و إسحاق و يعقوب ... ياه يا رب قد إيه أنت أمين لعهودك حتى لو ولادك بعدوا تماماً عن الطريق و رفضوك
- لكن فيه كلمة (حتى الآن) ... و للأسف الشر فضل لدرجة لم ينفع معها غير السبي و التأديب

## نتعلم إيه؟

بيقدّم لنا الكتاب المقدس في إصحاح 17 بعد حدث السبي استرجاع سريع لأسباب اللي حصل ده و نهاية إسرائيل اللي كانت أمة عظيمة متّكلة على الرب اللي أصددهم من أرض مصر بقوة عظيمة و غلب لهم الأمم اللي سكنوا أرض الموعد قبلهم ... ربنا ما عندوش محاباة, هم لقا عملوا شرور الأمم الذين أبادهم الرب من قدامهم (عبادة الأوثان بما فيها من ذبائح بشرية و خلاعة و بُعد عن ربنا) و أصرّوا على رفض ربنا بعد جيل بعد جيل رغم إرسال أنبياء عظماء زي إيليا وأليشع: أبادهم ربنا و انتهت مملكة إسرائيل من التاريخ و بقيت يهوذا فقط

يا رب خليني أستجيب للإشارات و أتوب بسرعة ... لا تسلّمني إلى الفساد اللي مافيش

بعده رجعة

## #3: دمار أورشليم و سبي بابل

إصحاح 18 ل 25



الصورة من موقع BibleProject

### • إصحاح 18 ل 20: النجاة من الحصار في عهد حزقيا

نقدر نقرا بتفصيل أكثر في ملخص سفر إشعياء

○ بعد قضاء آشور على إسرائيل مابقاش فاضل في المنطقة كلها غير مملكة يهوذا اللي كانت بتتمثل كوبري بين آشور و مصر، و بالتالي عقبة (سهلة) في طريق آشور عشان تسيطر على العالم ... في الظروف الصعبة دي، جه أحسن ملك من ملوك يهوذا: **حزقيا بن**

**أحاز**

- و نقرأ عن الحصار الصعب جداً لمملكة آشور على أورشليم
- كان رد فعل حزقيا هو الصوم و الصلاة الحارة لربنا بإيمان، و طلب صلاة وشفاعة إشعياء النبي ... و بمعجزة رائعة ربنا تدخّل و أهلك 185 ألف من جيش آشور، و رجع ملك آشور مهزوم و قتله ولديه في آشور
- زي ما بنشوف كمان في إشعياء 38 و 39، حزقيا الملك جاءه مرض للموت، لكن ربنا سمع صلاته و أعطاه 15 سنة إضافية
- حزقيا بعد كده وقع في غلطة كبيرة جداً لَمَّا انخدع من جواسيس بابل و وّزاهم كل مجده و خزائنه ... طبعاً ده فادهم جداً بعد كده لَمَّا خدوا مكان آشور و قرّروا يسبوا يهوذا

### • إصحاح 21: منسى أشّر ملوك يهوذا

- للأسف حزقيا مات صغير في السن، و ابنه **منسى** فلّك و هو صغير جداً (12 سنة) .. و طبعاً كان عليه دور كبير جداً يكون قائد عظيم زي أبوه لكنه بدل ما يلجأ لربنا و ينتظره و يترجّاه، سمع للشيطان و قتل إشعياء النبي الذي لم يتنبأ في عصره و قتل أبرار كثير جداً ولجأ لعبادة الأوثان (بكل النجاسة اللي فيها) حتى في الهيكل بتاع ربنا لدرجة إنه رمى ابنه في النار زي ما كان الوثنيون بيعملوا
- **و ربنا ماعندوش محاباة:** زي ما الأمم صمّموا على الشر و عاقبهم، وإسرائيل صمّموا على الشرّ وعاقبهم ... كمان يهوذا لو صمّموا على الشرّ يعاقبهم
- نعرف بعد كده (من أخبار الأيام الثاني 33) إن **منسى في آخر أيامه تاب** بعد ما شبي في أشور و عرف إن مافيش إله غير ربنا إله أبوه حزقيا ... وعاد لملكه بمعجزة بعد أن كتب في السجن واحدة من أجمل الصلوات في الأسفار القانونية الثانية، (نقراها يوم سبت النور)
- بعد منسى فلّك **آمون** ابنه و برضه كان شرير زي منسى

## ● إصحاح 22 و 23: فترة إصلاح أخيرة في زمن يوشيا

### 🎥 نقدر نشوف كارتون يوشيا بجدّد العهد

- بعد آمون جه ابنه **يوشيا** اللي كان بار و مستقيم زي حزقيا الملك و زي داود النبي ... لكن واضح إن يوشيا جه متأخر جداً و إن الشعب ابتعد عن ربنا تماماً في فترة منسى و آمون، لدرجة إنهم مكانش عندهم كتاب الشريعة (التوراة والنبوات)!!
- لقوها و هم بيرمّموا الهيكل في السنة ال18 لملكه ... و **لما قرا الملك كلام الشريعة** اترعب جداً **من العقوبات اللي فيها على كل الخطاة، و تاب توبة قوية،** و سأل نبيه اسمها خلدة عن الكلام ده، و ربنا بعث الرد معاها: بسبب توبتك و تواضعك يا يوشيا مش هتشوف الشر ده، لكن العقاب هيحصل في حالة رجوع الشعب للخطية تاني
- يوشيا عمل إصلاحات عظيمة:
- 1. جمع الشعب كلّه و قرأ عليهم كتاب الشريعة و قطع معهم **عهداً بالالتزام بالشريعة**
- 2. حاول بكل قوّته **يقضي على عبادة الأوثان** و كهنة الأوثان و النجاسات اللي في الهيكل و أورشليم و حتى السامرة و بيت إيل (زي ما تنبأ رجل الله في عهد يربعام أول ملك للمملكة الشمالية - ملوك الأول 13)
- 3. حاول يرّد الشعب لربنا و **عمل فصّح عظيم** جداً بتوبة قوية جداً
- بعد موت يوشيا في حرب مع فرعون، بدأت مصر تسيطر شوية على يهوذا ... ملك بعد يوشيا ابنه **يهوآحاز** اللي كان شرير

○ بعد كده فرعون ملك الياقيم بن يوشيا الثاني و غير اسمه إلى **يهوياقيم** ... و برضه كان شرير

### ● إصاح 24 و 25: السبي على يد نبوخذنصر

سبي أورشليم حصل على 3 مرات عن طريق نبوخذ نصر ملك بابل

1. في عهد الملك يهوياقيم: الجزية و النفوذ البابلي مع بقاء الملك لملك يهوذا
2. في عهد الملك **يهوياكين** ابنه: سبي الأقوياء و الجيدين من الشعب و الخير اللي في المدينة, مع بقاء الضعفاء في المدينة وعدم هدمها
3. في عهد الملك **صدقيّا** (اللي وضعه نبوخذنصر بعد ما سبي يهوياكين): تم دمار المدينة بسبب تمرّد صدقيا: في السنة التاسعة لملك صدقيا, حاول يتمرد على نوخذنصر اللي حاصر أورشليم سنتين بجيوشه لحد ما المدينة حصل فيها مجاعة و حاول الملك والجيش يهربوا, لكن نبوخذ نصر تبعهم بجيشه و قتلوا أولاد صدقيّا و كبار قواده و سبوه و دقروا المدينة تماماً وسورها و أخذوا كل ما في الهيكل و دقروه ... لم يبق في الأرض غير شوية فلاحين و كرامين هربوا هم كمان على مصر بعد ما قتلوا القائد الذي عينه ملك بابل عليهم و وسط كل المصائب دي, ينتهي السفر بخبر فيه رجاء, إن بعد السبي بحوالي 20 سنة, أطلق ملك بابل سراح يهوياكين (الملك السابق ليهوذا) و أكرمه

**ارجع وقل لحزقيا رئيس شعبي: هكذا قال الرب إله داود أبيك: قد سمعت صلاتك. قد رأيت دموعك. هأنذا أشفيك. في اليوم الثالث تصعد إلى بيت الرب**

ملوك الثاني 20 : 5

- رَبنا حنَّين جداً على أولاده ... كان مرَّتب لحزقيا بعد استقامته و إصلاحاته إنه يموت بعد مرض قصير, لكن حزقيا بكى و طلب الشفاء فربنا أعطاه الشفاء
- شفاء معجزى طبعاً إنه يفوق و في اليوم الثالث يقدر يروح الهيكل
- و كمان أعطاه الانتصار على أشور بعد كده بمعجزة ثانية ... لأنه كان ملك مستقيم زي داود

**نتعلّم إيه؟**

استئصال الشر صعب جداً ... ملك واحد في منتهى السوء (منسى) بين ملكين عظيمين (حزقيا و يوشيا) كان تأثيره أكبر على المدى البعيد, و الشر اللي بدأه استمر مفعوله بعده و

## كان سبب رئيسي في السبي

يا رب خليني من الأول أبعد عن الشر و أهرب منه ... عشان لو بدأت هيبقى استئطاله  
صعب جداً و نتايجه وحشة جداً على المدى البعيد و هيبقى الرجوع صعب جداً



المراجع

- Bible Project
- فتشوا الكتب (أبونا داود لمعي)
- شخصيات سفر ملوك الثاني (أبونا لوقا ماهر)